

IAMAI CA, quam nunc *S. Jacobi* Insulam nuncupant, ad Orientem Hispaniolæ, xxv ab ea Leucarum intervallo discreta, xv i gradib. ab Æquinoctiali limite distat, Ad Septentrionem Cubæ vicina est. Qua Meridies *S. Bernardi* insulas, & Carthagenam respicit: qua Occidens Iucatanas Terras seu Fonduram. Ambitus ejus 100 milliarium, Regio grata Aeris salubritate & temperie gaudet: atque ita fertilis est, ut soli fecunditate cum quavis alia certare possit. Habet Auri Metalla: Saccari & Gossypij magnum proventum. Nec non Animalium diversorum copiam. Frequens olim cultoribus erat, nunc incolis aut ferro aut mortalitate absumtis, rarius culta, duabus tantum Civitatibus habitatur: quarum primaria *Sevilla* sive *Hispalis*, in qua Ecclesia principalis cum Abbatia, ubi Primatum gessit *Petrus Martyr* Anglerius Mediolanensis, Vir in tractandis rebus Indicis diligens. Altera *Orissan*. Fluvij hic multi & Lacus piscosi. Gens, Lege, Ritu, Moribusq; in nullo ab Hispaniolensibus Cubensibusque discrepat, tantum ferociores fuisse memorantur.

Insula.
Situs.
Celi temperies.
Soli fertilitas.
Animalium.
varietas.
Urbes.
Flumina.
Lacus.
Mores.

Insula Sancti Ioannis.

INSULA *S. Joannis*, vulgo a Portu divite cognominata, prius *Borichena* vel *Borica* dicta, habet ab Ortui Insulam *S. Crucis*, Insulasque exiguas plures. Ab Occidente & Borea Ins. *S. Dominici*: a Meridie Promontorium *Paria*, a quo cxxxvi milliar. abest. Insula in longitudine porrigitur ad 1 pene mill. in latum patet xii aut xvii: maxima latitudo xv i i pene mill. Germanica complectitur. Affluit Frugibus, Fructibus, Animalibus ac Auro. Dividitur autem hæc Insula in duas partes, nempe Borealem & Australem. Borealis quidem Auro abundat plurimo: Australis Frugum, Fructuum, Aviumque feracissima. Est nunc in ea urbs præcipua *S. Joannis* optimo gaudens Portu. Fluvij hic sunt aliquot, inter quos *Cairabonus* fluviorum maximus, ad Septentrionem decurrit, cumque omnes aureis glareis arenisque fluant; Septentrionale tamen latus, uti supra quoque a nobis dictum est, generosioribus Fodinis commendatur. Meridiana pars portuosior, frugibusque beatior, Maizium cæteraque necessaria vitæ producit.

Insula.
Nomina.
Situs.
Soli fertilitas.
Urbs S. Joannis.
Flumina.

Margarita.

MARGARITAE Insula vel *Margaritarum*, alio nomine *Cubagua* dicitur, x millia in circuitu patet, decem gradibus & dimidio ab Æquinoctiali linea distans: omni sui parte plana, sterilis: nuda arboribus, aquæ expers. Itaque tanta plerumque humoris inopia est, quum propter contrarios ventos nihil è Cumana subvehatur, ut sæpenumero cadus Vini pari aquæ cado permutetur. Cuniculis, Sale & Piscibus abundat. Imprimis vero Vnionum copia nobilis est. Incolæ colore fusco sunt, raro capillitio. & velut imberbes, feri, crudeles. Vescuntur Ostreis è quibus Margaritæ sumuntur.

Insula.
Situs.
Soli qualitas.
Mores.